

欽定四庫全書

子部

普濟方卷二百十三



南京中醫藥大學圖書館版權所有

欽定四庫全書

普濟方卷二百十三

明

周王朱橚撰

泄痢門

腸滑下
腸垢

附論

大脈經謂大腸有熱便腸垢者腸間津汁垢膩也蓋傳
之府熱氣積而為痢病久不已腸間虛滑津垢方出
是邪熱氣實致腸氣虛故有此證

陟釐丸 治久痢下腸垢

陟釐

綠礬

石灰

各三兩

鉛丹

赤石脂

石脂

胡粉

各一兩半

右為末入餅子內燒一伏時取出研極細麴糊丸如

梧桐子大每服二十丸空心粥飲下一方用吳礬三

兩白礬一兩半

附子散 治久痢不瘥腸垢出

附子

赤石脂

桂

去粗皮

乾薑

各等分

右為末煉蜜丸如梧桐子大每服二十丸空心米飲下食前日三服

麝香丸 治久患冷痢及休息痢脾胃虛極大腸滑洩腸垢不絕

麝香 半兩 鹿茸 炙二兩

右為末醋煮麪糊丸梧桐子大每服三十丸粥飲下不拘時候日三服一方煮棗瓢和丸

烏梅湯 治久痢不瘥或腸垢

用烏梅二十個槌研水一升煎四合去滓空心服未
愈日晚再煎服

石榴汁方 治久痢不瘥腸垢出

用酸石榴皮大者一枚搗研絞取汁空心服之一方
酸石榴皮一枚和皮取汁

茛菪丸 治久痢腸滑下垢不止羸困勞痢

茛菪子 乾薑 白礬

各二兩

右為末醋煮麴糊丸如梧桐子大每服三十丸粥飲

下

赤石脂丸 治水穀痢積久不瘥下腸垢

赤石脂一兩 桂心一兩 白礬一兩 乾薑一兩 附子一兩 炮

右搗羅為末煉蜜和搗百餘杵如梧桐子大每服不

計時候以粥飲下

休息痢 附論

夫休息痢者由胃脘有停飲因痢積久或冷氣或熱氣乘之氣動於飲而腸虛受之故為痢也冷熱氣調其飲

則淨而痢亦休也腸胃虛弱易為冷熱所傷氣或動或靜則其痢亦乍發乍止故謂之休息痢也治法當先退其寒熱再投止痢之劑則愈也

方

麥蘖丸 治休息痢不能飲食及羸瘦

大麥蘖 附子 陳麴 肉桂 烏梅肉 人參

白茯苓

各一兩

右搗羅為末煉蜜為丸如梧桐子大每服三十九煮

棗粥飲不拘時

沒石子散 治休息痢脾胃氣虛冷大腸轉泄或發或

止

沒石子

肉豆蔻

桂心

各半兩

訶梨勒

一兩

龍骨

一兩

麝香

一分厚朴一分

右搗羅為末每服一錢粥飲半盞調下食前服之

丹粉丸

治下痢乍瘥乍發病名休息

丹砂

半兩

粉霜

三錢

膩粉

鉛丹

各四兩

硝石

研二錢

砒霜

研二 白礬灰 三錢

右同研勻用水浸炊餅心為丸如菟豆大每服三丸

冷麪湯下看虛實加減

縮砂丸 治冷氣腹痛止休息氣痢勞損消化水穀溫

暖脾胃及治冷滑下痢

縮砂仁 附子 乾薑 厚朴 陳橘皮 肉豆

蔻 各半兩

右搗羅為末煉蜜和丸如梧桐子大每服三十丸米

飲下食前服

吳茱萸煎丸 治休息痢肌羸無力腰膝冷臍下痛

吳茱萸一兩陳橘皮三兩生薑一觔無灰酒一升附子二兩當

歸一兩

右搗羅為散先將薑汁并酒入鐺子內慢火煎不住手攪次入藥末煎成膏候可丸即丸如桐子大每於食前以粥飲下三十丸

阿膠湯 治休息痢

阿膠 黃連

龍骨

各一兩

艾葉

半兩

倉米

二合

右粗搗篩每服五錢以水一盞半煎至五分去滓空

心溫服日午再服

肉豆蔻丸 治休息痢久不瘥嘔吐腹內疼痛

肉豆蔻

訶梨勒

烏梅肉

各一兩

黃連

半兩

白礬

半兩

右搗羅為末煉蜜為丸如梧桐子大每服二十九空

心用粥飲下

紫金散 治休息痢

定粉

鉛丹

各一兩

大棗

二兩

莨菪子

一兩半

訶梨勒

一兩

右同和搗成一團以麪重裹於火中燒令烟盡取出
去灰土令淨搗羅為散每服空心米飲調下

四霜丸 治休息痢久不瘥

巴豆霜

半錢

百草霜

二錢

粉霜

一錢

砒霜

半錢

乳香末

一錢

右研細令勻用黃蠟半兩鎔汁和為丸如菰豆大每
服一丸食前服

安息香散子

治休息痢發歇不恒羸瘦少力

安息香

兩半

阿膠

兩半

黃連

兩一

桃白皮

兩一

漢椒

分一

右搗細羅為散每於食前以粥飲調下一錢

治休息痢發歇不定經久不瘥

黃牛角腮

木賊

草豆蔻

各一兩

麝香

分一

楮葉

兩一

右搗細羅為散每於食前以粥飲調下一錢

白頭翁丸

治休息痢日夜不止腹內冷痛

白頭翁

兩一

黃丹

兩三

乾薑

兩一

苣荬子

升半

白礬

兩二

右搗羅為末以醋煮麪糊和丸如梧桐子大每於食前以粥飲下十丸

黃丹散 治休息痢諸藥無効

黃丹 三兩 棗肉 三十枚 枳殼 半兩 黃連 半兩

右搗羅為末每服一錢空心粥飲調下忌油膩冷物

亦治赤痢

白茯苓丸 治休息痢日夜頻併

黃連湯 治休息痢多時不瘥

黃連

龍骨

各半兩

艾葉

一握

阿膠

半兩

右細剉以水三盞先煎黃連等三味至一盞半去滓

次下阿膠再煎至一盞分為二服空心一服如人行

十里再一服每服藥後濃煎乾艾葉湯飲之一方煮

忍冬米和飲之

硫黃丸 治休息痢發歇不定經久不瘥

硫黃

砒黃

何首烏

白礬

各一兩

右相和勻入磁瓶子中五月五日取不食井水和鹽

泥固濟封頭候乾安瓶中燒令通赤候冷取藥細研以麪糊和丸如菜豆大患近者黃連湯下久老橘皮湯下一丸

黃芩丸 治一切休息痢日痢不止四體倦怠

黃芩 半兩 砒霜 烏梅肉 黃蘗 各一分

右搗羅為末煉蜜和丸如菜豆大每服五丸冷水下

四神丸 治多年休息痢疾

當歸 半兩 烏梅 七枚 黃連 一兩 龍骨 半兩

右搗篩為細末以薤白細研和丸如梧桐子大每日

空心以溫漿下十五丸至二十丸

玄精丸

出聖惠方

治休息痢久不瘥面色青黃四肢逆冷不

思飲食

太陰玄精 白礬 黃丹 青鹽

右件藥細研入生鐵銚內燒礬汁盡為度後以不蛀
皂莢三挺存性燒熟都研為末用糯米飯和丸如梧
桐子大每於食前以粥飲下十丸